



UNIVERSITÄTS-  
BIBLIOTHEK  
PADERBORN

**Florus Biblicus Seu Narrationes, Ex Veteri Testamento  
Selectæ**

**Pexenfelder, Michael**

**[S.l.], 1711**

CIII. Daniel exponit Nabuchodonosori visam in somnio statuam. Tres  
Danielis Socij in flam[m]ante clibano illæsi.

---

[urn:nbn:de:hbz:466:1-64523](https://nbn-resolving.org/urn:nbn:de:hbz:466:1-64523)

NARRATIO CIII.

DANIEL EXPONIT  
NABUCHODONOSORI  
VISAM IN SOMNIO STA-  
TUAM. TRES DANIELIS SOCIJ  
IN FLAMMANTE CLIBANO  
ILLÆSI.

Danielis c. 1. 2. 3.

Anno Mundi 3453. 3455. Ante Christum  
600. 598.

**A** Urea sanè virtus est, quam ignis probat. Su-  
prà memoravimus *Danielem* triennem, &  
tres coævus puerulos, dynastarum & opti-  
matum Judææ filios, cum Ioachimo Rege capti-  
vos Babylonem traductos, Anno M. 3428. quo-  
rum indole delectatus *Nabuchodonosor*, cognomento  
*magnus*, Rex Babyloniorum, Chaldaicis eos litte-  
ris, & lingua jussit institui, mutatisque nominibus,  
*Danieli* Balthazaris appellationem fecit, *Anania* Si-  
drachi, *Misael* Misachi, *Azaria* Abdenagónis; qui-  
bus eum ad formæ gratiam vel augendam, vel con-  
servandam lautiores dapes apponerentur, effecit  
Daniel apud *Malasarem*, moderatorem ipsorum, pa-  
triarum obtentu legum, promiscuum ciborum u-  
sum vetantium, ut in mensam non nisi legumina,  
& fontana inferrentur. Quâ victitandi ratione in  
experimentum decem dierum adhibitâ, non tan-  
tum

tum nihil de oris venustate detritum est, sed multo etiam supra ceteros ephebos habitius redditum, Chaldaicis ubi disciplinis satis videbantur imbuti, regis in conspectum admissi, specimen doctrinae dederunt, quâ non æquales modò, sed ipsos etiam magistros longo superabant intervallo; divinò utique, & quod supra humanam esset facultatem, auxiliò. Ejus sapientiæ fama brevì per regiam sparsa, magnam apud omnes admirationem concitavit, sed non sine comite invidia, quæ suum in eos venenum aliquanto post tempore, effudit.

Triginta jam circiter annos Babylone versati fuerant Hebræi juvenes, cum præclara virtutis & scientiæ existimatione; cum ad Regis gratiam, & sapientiæ commendationem, novum Danieli suppeditavit argumentum, oblatum Nabuchodonosori somnium. Terrorem quippe incusserant rerum futurarum objectæ per quietem species, quas cum vigilans in mentem revocare non posset, & tamen sollicitum tenerent, quid portenderent, institit à Conjectoribus exquirere tam somnium, quam ejus significationem; propositò non magis præmiò divinantibus, quam pœnâ fallentibus: ratus, qui cœlitus somniorum interpretationem discerent, eos somniantium quoque imagines scire debere. Tergiversantes ariolos & haruspices [quis enim devotis orco capitibus arcana cœlestia aperuisset?] jussit ad unum omnes abripi, neci dedendos. Eadem fors Daniele cum socijs manebat, invidiam an incitiâ Præfectorum rerum capitalium, ad pœnas vocantium, quos ad interpretationem somnij non vocârant. Daniel igitur supplicium aver-

rus,

rus, petit inducias exigui temporis, ad DEUM su-  
 um per preces consulendum. Quibus per *Ario-*  
*chum* militiae principem impetratis, ubi cum socijs  
 divinam opem enixis precibus imploravit, af-  
 fulsit è cœlo lux inter noctis tenebras. Didicit Da-  
 niel evolutionem mysterij; & aditum ad Regem  
 postulavit, simul ejus animum tristi exspectatione  
 futurorū, simul Chaldaeos magos metu supplici-  
 orum liberaturus. Introductus ad tyrannum, ne-  
 gat propositae quaestionis nodum à Babyloniae sapi-  
 entibus solvi posse; Secretum esse, in cœli tabulis  
 consignatum, & à nemine explicandum, nisi cui  
 Numinis aeterni indulgentiâ concessum sit, rei tam  
 arcanae propiùs oculum admov. ejus gratiâ cum  
 ipse spiritum hauserit, expositurum sese vigilanti,  
 quas dormiens accepisset species. Quiescenti vi-  
 sam esse statuam quadriformem, capite scilicet *au-*  
*reo*, pectore *argenteo*, ventre *aneò*, tibijs *serreis*, in  
 pedum digitos ex *luto & ferro* mixtos desinentibus;  
 portendi quatuor Mundi Imperia, Chaldaeorum,  
 Persarum, Græcorum, Romanorum; conteren-  
 da tamen omnia unico *lapide*, de montis fastigio,  
 ruiturò, quintòque regno, longè majori cæteris,  
 initium daturò. Rex attonitus expositione somnij  
 mystici, projicit se in faciem, hostias petit & thura,  
 divinos Danieli honores impensurus. Quos ille  
 procul à se remove, inque supremum Mundi Do-  
 minum, cœli terræque Regem transferre: ejus es-  
 se munus, esse favorem, quidquid sibi lucis in ea  
 somniorum caligine affulsisset; ei laudes unicè, gra-  
 tésque deberi. Præeuntem divinæ Majestatis præ-  
 conia, Rex sequitur, palàmque contestatur, sum-

mis adorationibus eum DEUM colendum, cuius inspiratione Hebræus Vates oracula referâffet.

Nec dilatatum est præmium Interpreti fatidico, Muneribus tantis & honoribus cumulatur, totius ut imperij Babylonici proregia dignitate ornaretur. Admisit eam Regis benevolentiam Daniel nulla ambitione, sed eximia in cives suos per Babylonicum regnum exulantes, charitate; quibus ut esset præfido, id insuper gratiæ apud regem indeptus est, ut non ipse modò secundas Imperij teneret, sed socij quoque tres juvenes, majorum regni negotiorum administri constituerentur.

Favonios ad eò secundè spirantes tempestas excepit horrida, partim Regis ambitione, partim aulicorum assentatione, & in Hebræos malevolentia, concitata. Nabuchodonosor namque, sive insolens imperij sui potentiâ, quòd tantum cæteris præcelleret regnis, quantum aurum vilioribus metallis antecedit; [ caput enim statuæ Babylonio regi Daniel comparavit ] sive suspicionem Iudaicæ religionis à se amoliturus; sive Procerum invidiæ velificaturus; sive opulentiam & magnificentiam dominatûs ostentaturus, suam in colosso effigiem jubet erigi, sexaginta cubitorum altitudine, ex ligno, laminis aureis ad operis quâ firmitatem, quâ pretium, obtecto. Ad venerationem colossæ statuæ convocantur edictò, cum populus universus, tum præcipuè Purpurati; in quibus cum numerarentur *Sidrach, Misach, Abdenago*, haud sanè, per externam saltem officij speciem, abesse licuit ab eo coetu. Daniele, ut credibile est, vel colloquia cum Rege in Aula, vel negotia peregrè distine-

bant.

bant. Si præfens adfuit patrociniū pro socijs omisit,  
 aut quia credebat irritū, aut quia prævidebat suppli-  
 ciū ignis innoxium. Statuæ circumfusi erant Sympho-  
 niaci, cū omnis generis instrumentis muficis, capitis  
 in eum poenā sancitā, qui audito tubarū & tiliarū &  
 fidium fonitu, non decreferet in genua, imagi-  
 nem Regis pro Deo adoraturus. Signō concen-  
 tibus datō, cū omnis multitudo feſe coram co-  
 loſſo proſterneret, ſteterunt erecti tres Hebræi ju-  
 venes, aut viri potiùs, negantes per ſua ſibi Sacra  
 ſas eſſe, divinitatis cultum in lignum aut metallum  
 conferre; mortem priùs oppetendam millies, quàm  
 admittere piaculum tam immane. Ea libertas om-  
 nium iram provocavit; Satraparum imprimis,  
 quibus jam dudum Hebræorum apud Regem gra-  
 tia, tormentum in oculis erat & animis. rapiuntur  
 igitur tanquam ultima meriti in regiam, accuſan-  
 tur ſpreti mandati, poſtulantur ad necem. Tyr-  
 annus furore, in quem aliàs præceps ferebatur, ad-  
 motis inſuper Purpuratorum & Sacrificulorum fla-  
 bris, nimio opere excandefcens, cū terroribus in-  
 gerendis nihil proficeret, in ſelectenda Hebrææ vir-  
 tutis conſtantia, fornacem imperat naphtâ, ſtupâ,  
 pice, malleolis inflammari, ſeptuplō vehementi-  
 ſus, quàm ſolitum erat, & in eam contumaces A-  
 pellas, ita ut erant veſtiti braccis & tiaris Perſicis,  
 manibus, pedibùſque ligatis immitti. Iuſſum, fa-  
 ctum. Sed ô prodigium potentia divina, cui fa-  
 mulantur elementa ſive ad clementiam, ſive ad  
 vindictam! Beati heroes per medios undantium  
 ignium vortices inambulanti illæſi, ne capillō qui-  
 dem aduſtō, vinculis liberi, laudèſque DEO lata

K k 5

voce

voce canentes , cœlesti Genio lenem ventulum ,  
 & rorem , mira cum voluptate eis afflante ; flam-  
 marum contra globis in illos erumpentibus , qui fe-  
 rale ministerium exequiebantur , momentoque re-  
 digentibus in cinerem. Exsternatus miraculi no-  
 vitate tyrannus , evocat è clibano juvenes , qui in-  
 columnes per obstantes egressi flammam , tam Re-  
 gem , quàm proceres , prodigij spectatores , timo-  
 re & reverentia veri Numinis impleverunt. Ce-  
 lebratur omnium laudibus & præconijs DEUS cœ-  
 li , Dominator Universi , tantorum mirabilium ef-  
 fector ; gravissimâque statuuntur in eos supplicia,  
 qui verbo , factove contumeliam essent irrogaturi  
 Regi æterno. Erepti flammis juvenes , tantò pro-  
 dierunt illustriores , quantò per ignem probatores,  
 majoribus etiam honoribus , quàm quos gesserant ,  
 aucti , provinciarum præsides , & supremi tribuna-  
 lium præfecti sunt creati. Adeò DEUS non deserit  
 eos , à quibus Ipse non deseritur ; & promptitudi-  
 nem pro gloria sua moriendi , præsentibus etiam  
 præmijs remunerat. Tam honestis periculis quò  
 se quisque fortiùs obijcit , hoc ijs præclariùs de-  
 fungitur. Fornax , ait quidam , Babylonica pati-  
 entia fuit gymnasium , constantia theatrum ,  
 virtutis campus , divina potentia pa-  
 læstra , innocentia triumphus.

